

ديوان الشاعر الأديب سعود بن سعد الغريب

الجزء الثاني

الطبعة الأولى

٢٠٢٢م

ديوان الشاعر الأديب سعود بن سعد الغريب

الجزء الثاني

إعداد الباحث طلال الرميضي


الطبعة الأولى

٢٠٢٢م

حقوق الطبع محفوظة

الطبعة الأولى - ٢٠٢٢م
دولة الكويت

ديوان
الشاعر الأديب
سعود بن سعد الغريب
الجزء الثاني



الشاعر سعود بن سعد الغريب

تقديم

الحمد لله رب العالمين ، والصلاة والسلام على أشرف المرسلين سيدنا محمد وعلى آله وصحبه أجمعين و تابعيهم ومن والاهم إلى يوم الدين .
أما بعد ،،،

إن الحديث عن قامة شعرية كبيرة مثل الشاعر الأديب سعود بن سعد الغريب العازمي أمر يجعلك في حيرة بأن لا توفي الكلمات مكانته الشعرية وإبداعاته الأدبية ، فقد تفوق الغريب في الساحة الأدبية وحظي بمكانة رفيعة لما قدمه من نتاج شعري رائع بمفرداته الجميلة ومعانيه العميقة ، أضف إلى ابتكاره لشفرة شعرية جديدة على غرار كبار الشعراء القدامى كالدرسي والريحاني والأبجدي ، لتكون إضافة جديدة في عالم الشعر النبطي وهي تركيب منازل القمر على أحرف اللغة العربية ، وأخذ شهادة من عالم الفلك الكبير د. صالح العجيري - يرحمه الله - مؤرخة ٢٣ يونيو ١٩٩٠م ، واستخدمها كبار الشعراء في قصائدهم النبطية كشفرة شعرية للتعريف على اسم معين أو أمر خاص يخفيه عن المتلقين خلال أبياته الشعرية، واشتهرت هذه الشفرة باسم شفرة الغريب بين أوساط الحركة الثقافية.

ولا شك أن القارئ سيجد نصوصاً شعرية راقية وجميلة تناول خلالها شاعرنا الغريب مواضيع متنوعة نأمل أن تحوز على ذائقته ، ونؤكد على أن شاعرنا تتميز قصائده بالرصانة والقوة والجمال ، آمليين الله عز وجل أن يحفظه ويمده بموفور الصحة والعافية.

طلال سعد الرميضي

أمين عام رابطة الأدباء الكويتيين السابق

صالح محمد العجيري
باحث فلكي

قسم العرب الاثني عشر منطقة الجوع ذات اثني عشر برجاً الى ٢٨ فصلاً
يسمونها منازل القمر ذلك ان القمر يحركه السريسة
يمر عليها خلال الشهر القمري وينسبوا الى كل منزلة مجموعة من
النجوم القريبة منها ثم اعطوا لكل منزلة ١٢ يوماً وجملاً بها ثمانية وثلاثون
نجماً فتراها فجراً بعد انوارها في سماع الشمس لخصوا كل منزلة بقاهرة خاصة
تترامزها ، واسماء هذه المنازل جمعت في اربعة ابواب من الشر هي : -

شرطن بطينا للثريا وناهر
فهيقة هنع فالزراع فناهر
وطرفهم مع جبهة ثم زهر
وسرته عوا فالملك فعا
زباننا واكليل وقلب وشولة
نعاهم بلد ذابح وهو
كذا بلع بعد العود خاومهم
فقد و آخر للرشا وهو اخبر

وشارعنا الشعبي المحبوب السيد سمود الغريب قادته فطنته الى ان يواصل
بين هذه المنازل والحروف الالهية فاعطى لكل منزلة حرفا من الحروف الالهية
ولعله بذلك اول من فكر بهنا وبابتكاره هذه الطريقة بكون قد — هـل
استعمال الحرف بدل اسم المنزلة لم يبرد وبالله التوفيق *

صالح العجـري
باحث فلكي

باحث ملک

البنوك: بنك الكويت الوطني، الرئيسي، بنك الخليج، الرئيسي

تلفون: ١٣٣٩٩٦، ١٣٣٧٢٣، ١٣٣٦٣٠، فاكس: ١٣٣٩٧٩، ١٣٣٨ (تلکس)، ٢٢١ صفحہ ١٣٥٠٤ الکتاب: سجل تجاري، ١٩٦٦، برقي تطبيق

الشهادة التي أصدرها الباحث الفلكي الكبير الدكتور صالح العجيري
للشاعر الأديب سعود الغريب بشأن اكتشافه لتركيب منازل القمر على
أحرف اللغة العربية في القصيدة النبطية.

مقدمة

عندما كنت أتابع كتابات عالم الفلك الدكتور صالح العجيري يرحمه الله عن الفلك ومنازل القمر ومواقع النجوم خلال أكثر من ٥٠ عام من قراءتي، ووجدت أن منازل القمر تتكوّن من ٢٨ منزلة، فواءمتها على حروف الأبجدي الثمانية وعشرون، وعرضت هذا الابتكار الشعري على الدكتور العجيري، وأخذت موافقته كتابياً على هذه التركيبة بأنها صحيحة وأنه لم يسبقني أحد بذلك وذلك بتاريخ ٢٣/٦/١٩٩٠م، ووثّقت ذلك في ديواني الأول الصادر عام ٢٠٠٨م، وبعد ذلك اتّجهت إلى ترقيم الحروف الهجائية حسب ترتيبها من الواحد إلى الثمانية وعشرون «١ - ٢٨» ليتناولها من يرغب بذلك بأرقام بدلاً من الأحرف.

أ	ب	ت	ث	ج	ح	خ	د	ذ	ر	ز	س	ش	ص
1	2	3	4	5	6	7	8	9	10	11	12	13	14
ض	ط	ظ	ع	غ	ف	ق	ك	ل	م	ن	هـ	و	ي
15	16	17	18	19	20	21	22	23	24	25	26	27	28



أ	ح	د	ر	س	ص	ط	ع	ك	ل	م	هـ	و
---	---	---	---	---	---	---	---	---	---	---	----	---

المجموع (١٣) حرف غير منقوط مهمل.



ب	ت	ث	ج	خ	ذ	ز	ش	ض	ظ	ف	ق	ن	ي
---	---	---	---	---	---	---	---	---	---	---	---	---	---

المجموع (١٤) حرف غير منقوط مهمل.

والجدير بالذكر أن بحور الشعر العربي الفصيح أوجدها الخليل بن أحمد الفراهيدي المتوفى سنة ١٧٤ هجري، الموافق ٧٩١ ميلادي، والبحور هي:

الطويل	المديد	البسيط	الوافر
الكامل	الهزج	الرجز	الرمل
السريع	المنسرح	الخفيف	المضارع
المقتضب	المجث	المتقارب	المتدراك والذي

أضافه تلميذه الأخفش

أما بحور الشعر النبطي فهي :

الهاللي	الصخري	المسحوب	الرجد
الهجيني	السامري	العرضة	الفريسي
المجيسي	القلطة	الموال	الحداء

قوافي الشعر النبطي وفنونه:

العمودي	التشريع	التصريع	المربع
المثولث	المفقور	المخمص	المشقوق
المنكوس	المرادفات		

وقد تناولت في هذا الديوان أنواع مختلفة من البحور الشعرية وأشرت إلى نوع البحر الشعري عند مطلع كل قصيدة ، ليتعرف القارئ على أنواعه، وهذه مجموعة جديدة من قصائدي جمعها وأعدّها الباحث المعروف طلال الرميضي له مني كل الشكر والتقدير وأتمنى أن تحوز على ذائقة القراء الكرام والله ولي التوفيق.

سعود بن سعد الغريب

ديوان قصائد

الشاعر سعود بن سعد الغريب

وصية

من الشاعر يوصي بها تطبيق كتاب الله والتمسك أوامره

على بحر الهلالي الطويل

أبدى بذكر اللي جزال وهابيه
علام ما بالكون حاضر وغايه
باسمه أخضب صفحة الطرس بالمدد
والزاج سايل والقراطيس شاربه
بأمره أزج الزاج في ساطر الورق
والفكر يملئ والتماثيل زاهبه
في هجعه الخالي الياعسعس الدجى
والروس في لذة حلى النوم راغبه
اليامضى هود من الليل وانتحى
والشمس ونجوم أول الليل غاربه
اجلس نديمي صفحة الطرس والقلم
وفنجال أشقر يطرد عماس شاربه
اليالفى يشكى من الجوع والتعب
وفاحت من الرسلان له ريح طابيه

شفي ومقصودي وهو كل منوتي
حب من النيبار والفلك جايبه
حيثه نديمي كل ما دمدم الغسق
لي حين ضوح الصبح يكشف لبايبه
تطرقني الأفكار في كل مطرق
والفكر تقفي به وتقبل لوالبه
بالوقت حيث الوقت وضعه يهيلني
فيه احسنات وفيه أيضاً مصايبه
يدور بأمر الله مع دورة الفلك
يأخذ ويعطي ما به أحد يحاسبه
إلا الذي تقدير الأعمار في يده
ولا فيه مخلوق جنا علم حاطبه
السر والإعلان والجهر والخفا
والغيب والحاضر ودورة كواكبه
والربح والإفلاس والحين والبطى
والمقبالة والمقفيه والسرابطه
وما فوقها وما تحتها وما يحيطها
والكون والأفلاك بالكاف ناصبه

الواحد المعبود غفار زلتي
يا سعد منهو عن لظى النار لا ذبه
الباعث الرحمن في يوم حشرنا
محيي مميت الخلق بالأرض قاطبه
وصيتي للي يبي يستمع لها
مني لمن نفسه عن الغي تايبه
افتح أذنيك وخط بالك لكلمتي
واسمع كلام اللي نواصيه شايبه
جربت أنا عسر الليالي وهونها
والرجل ياخذ عبرته من تجاربه
أوصيك في دنياك دامك تعيشها
ونفوسنا لا بد للحق ذاهبه
الدين والأخلاق والصدق والوفا
والصبر محمود العواقب لصاحبه
الصدق بالقرآن في لجة العرب
وفيما عدى ذلك فالأقوال كاذبه
أعمارنا تمضي بنا في طريقها
وأرواحنا زرع يحل الحصاد به

يا ما سبقونا أجيال وأجيال بعدنا
سنة إله الكون بالخلق غالبه
ويا ما ملوك شيدوا عز مجدهم
فيها وراحوا كن ماحي داجبه
ما باقي إلا تالي أطال ذكرهم
والبوم في باقي سماياه ناعبه
أجداتهم تحت الثرى في مقرها
ونفوسهم تصعد إلى الله آيبه
لا تغرك الدنيا ولوها تزينت
لا بد في كدرات الأيام قالبه
يجيك دورك مثل غيرك وتنتهي
أمر من المعبود باللوح كاتبه
ما ينفعك نسلك ومالك وعزوتك
إيا جاك ديالك تدرهم ركايبه
تري حصيلة كلمة الله رحمة
وأتلي العهد به يوم تركز نصايبه
طبق كتاب الله في كل منهجه
وسنة محمد شرط بالدين واجبه

جبريل بأمر الله بالغار بلغه
أنك رسول الله بالدين ناد به
أسرى وصلى وللسموات انعرج
ونور السما والأرض بالاسم خاطبه
وعنا تشفع عند الإله وانشفع
ما قدمه وأمر الشفاعات عاد به
السيرة العطرة كتب في سطورها
هذا الكلام وبيح الله كاتبه
الصادق المين نرجي شفاعته
عن نار يوم الحشر بالكون لاهبه
عليه أصلي عد ما خط بالقلم
وعداد ما دبّت على الأرض دابه

* * *

يا صباح الخير

قصيدة على بحر العرضة بمناسبة زيارة سمو أمير الكويت
الشيخ / صباح الأحمد الجابر الصباح يرحمه الله لديوانية شعراء
النبط الكويتية بتاريخ ٥ رمضان ١٤٣٢ هـ الموافق ٥ أغسطس
٢٠١١م يوم الجمعة.
على بحر العرضة

مرحباً يا أمير دار الكويت وسورها
يا معيَّش بعض الأيتام في بلدانها
مرحباً يا عايش الرمل واللي عاجزين
الرخى والجود يمناك هي عنوانها
يا صباح الخير أهنيك في شهر الصيام
والليالي اللي تنزل بها قرآنها
في مقر شيدته جابر أمير القلوب
على روحه خالدة في براد جنانها
عل هذب السحب تمطر على مثوى ثراه
لين تروي تربته من هذب ودانها
وأنت قدت المركب اللي تلاطمه العصف
قودها يا نوخذانا ويا ربانها

الله يسدد خطاك أنت وإخوانك جميع
والشباب المخلصين وبعد شيبانها
البلد في حكمكم من حوالي أربع قرون
بالتوارث جيل من جيل من جدانها
من صباح الأول اليها صباح الحاضرين
للصباح الحكم والعز في دسمانها
كيف سمي جابر العيش في غبر السنين
حيث شر الحصر في سوقها هدا لانها
من على جدانكم والرعيلى الأولين
خيرها ظافي على شعبها وجيرانها
احتوت من ظامها الوقت في ماض العصور
ساندتهم لين عادوا شرف أوطانها
ما نسينا فعل جداننا اللي راحلين
والثرى اللي تحتنا حاوي جثمانها
استماتوا لين صدوا فلول المعتدين
وبالتكاتف شيدوا شامخات ركانها
والسلام أهدي سموك وكل الحاضرين
والقصيدة تمت ألحانها وأوزانها

أسرة الصباح

على بحر السامري النجدي

بسم الله الرحمن أبداً كلمتي
وأبداً تعابيري على السطور
وأكتب أحاسيسي على بيض
الورق مشاعري والكل له شعور
الله يقدرني على وصف الذي
أحس فيه بغاية السرور
لأجل بلاد عشت في خيراتها
أصلي وكل للأصل مأسور
أرض العروبة دينها دين الهدى
فيما مضى وفيما تمر عصور
بجاه من تسعى العباد لطاعته
الله عالم خافي الصدور
ترثة مبارك فخرها وتاريخها
والصقر أحفاده تجي صقور

أورث لهم حكم البلاد وحقهم
حسب الثقة ما بينهم والشور
شال الأمانة جابر الثاني بعد
ذيب الجزيرة مبارك المشهور
وبعده حكم سالم وقاد صفونا
والقصر الأحمر عصره مخبور
ولد مبارك شبل من ذاك الأسد
والشعب بالجهراء مضى له دور
وفي وقعة الرقة على متون الخشب
جهادنا في بحرهما وبرور
الشعب والحكام أسرة واحدة
متكاتفين ويحرسون الدور
أسرة حباها الله في بذل العطا
من جهدها لبلادها المعمور
أيام ما كنا نعيش من البحر
وقت السفر والغوص ومخبور
وقت السقاية والبناني والصخر
يوم الجزايف يعبون حظور

كانت مساكننا الصرايف والكبر
وظمامها الحـصير والمنقـور
وتنقل سـفينتنا لناشط العرب
وبير الخريج بحوشنا محفور
ونشب بالجلة ونوقد بالحطب
وندخل معاً دروازة بالسور
ودارت دواليب الزمان وغيرت
بالعلم فكر الحاكم الغيور
أحمد حواه الله في طيب الثرى
هو أحمد الجابر حكيم الشور
وتفتحت خزائن أرضه كلها
وأوقد لنا بعد الظلام النور
وتدفق البترول في صحرائنا
وتباشروا في غبطة وسرور
وعبد الله السالم ورث أمر الحكم
بعد الأمير الراحل المغفور
وقاد البلاد وكلنا به نعتزي
حكيم في حكمه بدون غرور

صنع لنا استقلالنا بين المالا
وأورث لنا التشريع والدستور
ورحل بحكم الله في أمر البشر
بعد العصر يوم الدموع تفور
مثواه جنات النعيم الباردة
يرقد مع لأبرار بين الحور
وحكم صباح الخير في أمر البلد
أبو الضعيف وناصر المقهور
صباح أبو سالم جبر فينا العزى
وعليه هlina الدموع حدور
الله يوسع تربته في منزله
حيث الملائك للقبور تزور
وجابر جبرنا في جلال ما صابنا
جابر اهو درع البلد والصور
جابر ولد أحمد وجد أحمد اهو
مبارك اللي عهده مخبور
صباح الأول هم سلاله شجرته
الشجرة اللي أنبتت زهور

نحو اميتين وتسعة وعشرين عام
والشعب في حكم الصباح فخور
سلاله يا علها ما تنذر
ما تنذر دام الفاك يدور
جابر أبو مبارك أبونا كلنا
كبيرنا له والصغير حظور
اليادعا الواجب نلبي دعوته
لكويتنا اللي رملها طهور
اللي حوتنا بين بر وبحرها
وتاريخنا ما بينهن يدور
جابر أبو مبارك أبونا كلنا
كبيرنا له والصغير حظور
اليادعا الواجب نلبي دعوته
لكويتنا اللي رملها طهور
اللي حوتنا بين بر وبحرها
وتاريخنا ما بينهن يدور
وسعد ولد عبد الله السالم نعم
ولي عهد ولا عليه قصور

اليوم حنا غير أمس اللي مضى
فينا الخير وبيننا الدكتور
والعلم نور مظلمات عقولنا
ويغلي بنا حب الوطن ويثر
هي أمنا بالحق وحنا عيالها
وكيف الرضيع لمرضعه يبور
هي شجرة تظلنا بظلالها
وحنا فروع ونسلنا زهور
الحكمة اللي جابر الأحمد قالها
يبينا نحمي تربة الجدور
حتى إذا اشتد الأصل في قوته
تقوى الفروع ونقطف الثمور
واجب علينا حفظ غرس أجدادنا
نحميه من تقلب الأمور
يا شعب حنا قدوة في وضعنا
سلوا الشعوب اللي تعيش الجور
هذا صدق تعبير ما احسبه
واللي يخالف رأيي معثور

العازمي سطر على بيض الورق
مشاعره والكل له شعور
ابن الغريب قال في قصيدته
ترى الأفاعي ما لهن جحور
ولا يركب المهرة سوى خيالها
بالمعركة حين الرحى تدور
وتمت بعون اللي يعرف تعدادنا
الحي واللي يسن القبور
وصلاة ربي عما دار الفلك
على النبي لي حين نفخ الصور

* * *

جـدك نغيمش

بمناسبة حفل تكريم الأمير فلاح بن فهد بن جامع

على بحر العرصة

يا سلام الله على الحفل واللي قام فيه
عد ما هبت من الغيب نسمات الهبوب
يا حمد يابن مساعد يابن مجرن وفيت
في حفل تكريم ابن جامع كفيت الخطوب
مرحباً بك يابن جامع وفي كل الحضور
الرجال اللي لفت حفاكم من كل صوب
الإمارة لأسرة الجامع البيت الكبير
وأنت أمير يابو نواف منهم ومحسوب
مرجع للشور والراي في كل الأمور
هم قيادتنا اليا عمس بالراي الطبوب
يا فلاح ابن فهد أنت أمير ونسل أمير
أنت من ترثه نغيمش نجب نعم النجوب
جـدك نغيمش^(١) خذاها وهو عود كبير
وأنفحق عنها وعطاها رجال له تنوب

(١) هو الشيخ نغيمش بن جامع من أمراء العوازم.

واستمرت بالتوراث على مر العصور
وارفعوا راياتها يوم شبات الشبوب
وانتها عصر التناحر وعشنا في سلام
كلنا جيران وأخوان والكل محبوب
تحت راية حكم حكامنا في كل دار
بالخليج الله يجيره من شرور الحروب
والصلاة على محمد ختام المرسلين
والشكر والحمد لله غفار الذنوب
والسلام أهديه للحفل واللي حاضرين
عد ما مالت نجوم السما صوب الغيوب

٣/١١/٢٠١٤م

* * *

خالد نقا

بمناسبة خروج السيد / خالد نقا في يوم الأربعاء الموافق ٢٠١٩/٥/٨ م
الثالث من شهر رمضان ١٤٤٠هـ

على بحر العرضة

لا إِلَهَ إِلَّا اللَّهُ الواحد الفرد الصمد

خالق الإنسان والكون من ماضي السنين

باسمه أخط القصيدة وأدون بالمدد

الحدث هز الشاعر بشهر الصائمين

في فرح خالد نقا يوم كلن به قصد

هَلَّتْ دموع المحاجر فرح يا غانمين

عل عينٍ ما تهل المدامع للرمد

يوم شافت حشد ربعي جموع صاملين

يوم نادى قويع غياض جوه بلا عدد

انتخوا بالعود الأول وهبوا فازعين

فرعةٍ ناجوا بها المعتصم والمعتضد

ذي مواقفنا ترى من عصور الأولين

أبشري به يا أم خالد قبل يوم الأحد

يوم جانا العلم طلابته متنازلين

عل مالٍ ما يزكى لخالد للنقد
ما يتمتع فيه ملائكته والوارثين
لو نبيع بيوتنا والذهب وأيضاً الولد
ما تساوي فرحة أمٍ تهل المدمعين
سعد عين اللي تكون العوازم له سند
قبلها كم دافعوا دون جرعات الحنين
الحدث هز الجزيرة ورى حدود البلد
بثته شاشات الأقمار بين مشاهدين
نشكر الله مدنا بالمعونة والمدد
والقبايل والمعارف مع المتصدقين
والخليج وفرعة الجار زادوا بالعدد
فرعة بأرقاب الأحرار دوم تكون دين
وين كُتِّب التواريخ تكتب مستند
تنقل حمى العوازم لجيلٍ لاحقين
العوازم فعلهم كل حرٍ له شهد
عصرنا هذا وعصر الرجال الراحلين
والسلام ختام مني عدد منهو سجد
بين زمزم والحرم مع ركوع وساجدين

يا أحمد عزيدان عل الرحمة

في رثاء الأديب أحمد سعد العزيدان العازمي يرحمه الله

على بحر الشيباني

من هو اللي اليا كتبت الخط بالمصقول يقرأ خطي

بعد ما غيب زمان النحس نجم في رجوم الغاطي

يا أحمد عزيدان عل الرحمة من الله عليك تغطي

عد هملول السحاب وعد من داس البسيطة واطي

يا أديب مفرداته صافيات مثل مشرع شطي

عاربات معربات صادقات ما بهن أغلاطي

كل ما أقرأ مفرداتك ريحة الماضين منها تعطي

حيث حرف في حقايقها قلم مخطوطة الخطاطي

ما دريت أن الغريب بعدكم في وحدته مشتطي

حرف قراكم ووحشة غربته سف بجوفه ساطي

كيف أصحّي ميت الإحساس حيثه في سباته غطي

عمعمه جهله بعمعام الجهالة لابس له غاطي

اليامل بطنه يهايط بالمجالس بين شيل وحطي

وهو ما يعرف مداخل الكلام وعاليه والواطي

ما يعرف إلا الولائم حين في يمناه فيها يوطي
كل عرفه في حياته يا عميلي منسفٍ وسماطي
ما يعرف أن الموثق في موثيق الوثائق شطي
شططه رنان يبرق بالمجالس في يد الشرطي
حيث قالوا من بعض ما تكتبه نبي عليه تغطي
وأخذ ما تحتاج مما تطلبه من ربطة الأنواط
هكذا حرّف بمضمون الوثائق والمحذر حطي
قالها طه وحبل الكذب والتزوير لف وحاطي
واختلط هذا وهذا حيث صار أبه النسب مغلطي
لكن إني أيا قرئت النص أعرفه ماخذ استحياطي
والغريب يعرف الشيهان يا أحمد من فروخ البطي
ويعرف نادر حرار العش من تفريخة الوطواط

٢٠٠٩/٧/١٤

* * *

ابن الرميضي جاهدٍ مستبسلي

ويقول الشاعر سعود الغريب هذه القصيدة مهداة إلى
الباحث طلال سعد الرميضي أثناء إعداده لديوان الشاعر رجا
الفريز عام ٢٠٠٤:

على بحر السامري الساحلي

قل الغريب بعد أدبحت النجوم
سهران من حيث الوسن ما راق لي
خطيت في حبري على بعض السطور
من فوق طرسٍ بالبياض مصقلي
أسهر معاً نجم الجدي والفرقدين
لينٍ وضاح الصباح يبين لي
ما نيب من يرقد اليا وقت الضحى
اليا ملا بطنه دجاج متبلي
والصبح يجلس في جوار الغاويات
اليا طرشنه راح عجلٍ يهذلي
أنا هواي أتابع علوم الرجال
اللي لهم قدر ومقام ومنزلي

بالشعر والتاريخ كانوا ضالعين
خلوا خفيات الحقايق تنجلي
الياقريت علومهم واخبارهم
كني على حامي لهيب المرجلي
من حيث ريعي ضاع جل تراثنا
ما وثقوها بالزمان الأولي
وين ابن جافور فهد أشعاره
وابن الحضيئه كيف شعره يجهلي
والنجدي فهد وفهد أشعارهم
ما دونت راحت هباء هملي
وابن كليب سعود وين أشعاره
الشاعر اللي بالمحافل ينجلي
سعيد وحمد ما دونوا آثارهم
أهل الجزيره سادتي هم ضلع الي
ونحيطر الفراع شعره كيف ضاع
الشاعر اللي له معاني كملي
وأنا رجايه في طلال ابن سعد
ابن الرميضي جاهد مستبسلي

متبرعٍ يبحث ويجمع للتراث
يستحصل الحاصل من المتحصلي
يجزاه عني خير في كل الأمور
حرّ تعالٍ فوق راس المعتالي
إلى حصل مثله شباب طامحين
بالمعرفة وعلومها متبجلي
صرنا بخيرٍ يا عموم ربوعنا
ما فيه خوفٍ لا عليك ولا علي
يسترخوا ما فاتنا من وقتنا
ويحفظ لنا التاريخ نبع المنهلي
وختامها مني أحث العاشقين
لترائنا ذاك التراث الأولي

* * *

عابر سبيل وأنتي ما تعرفيني

رثاء للمرحومة الشاعرة المشهورة عابرة سبيل

وهو لقب لشاعرة من قبيلة العوازم توفاهها الله بعد صراع شديد مع المرض، ولقب شاعرنا الغريب نفسه بلقب عابر سبيل، ونشرت في جريدة «الوطن».

على بحر الهجيني

يا الله ياللي خلقت آدم من الطيني

يا واحد هم قلبي عندك إفراجه

تشمل برحمتك جثمان العزيزيني

اللي قضاوا قبل ما تقضا لهم حاجة

عابر سبيل وأنتي ما تعرفيني

مثلك ولكن يوم الحشر نتواجه

شكواك في ما ذكرتي خلفت فيني

نار بصدري على ما صار وهاجه

والله ما كان في ودي تموتيني

لاكن قضاء ربنا لا بد يتواجه

الله يرحمك يا بنت العزيزيني

ياللي كتمتي بسرك كل هراجه

عشتي ومتي على الأخلاق والزيّني
محد حكا في قفاك علوم سماجه
يا عابرة كيف بحروفك عبرتيني
وأنا من الصعب معباري ومدراجّه
ذكرك عيالك وزوجك أثرت فيني
يومك توصيه حزني عامت أمواجه
يا ليت ما صار من بينك ولا بيني
هواجس بالشعر تسهر على سراجّه
عابر سبيل

* * *

لأجل دار تملكني غلاها

على بحر الصخري

يقول ابن الغريب مبتدأها

حروف عازفات راقصات

بعد ما غفي بالنوم وتباها

عديم الحس من كل الصفاتي

سما فكر سما بي في سماها

وناسي من حواليني غفاتي

شحت المفردات أرجو رجاها

تواردني بجل الشارداتي

وسري ليالي وأنا ساهر معاها

ما بين الواردة والصادراتي

على بحر صخري في غناها

لها ونات في لحن الغناتي

لأجل دار تملكني غلاها

هي بالادي ولا عنها غناتي

ولا أعرف الديار إلا سواها
 تعايشنا بها طول حياتي
 سـكناها وعـلينا بناها
 علي السيفه بيوتِ عامراتي
 ونصبنا شباكنا في بحر ماها
 وزرعنا ترابها بالمخضراتي
 وحفرنا آبارها ودارت رحاها
 وجبنا الماي من شط الفراتي
 وركبنا البحر في سفنٍ شقاها
 تجوب أبنا البحور المظلماتي
 وغصنا في سرنديب^(١) وعناها
 وسافرنا بحور أفريقياتي
 تعايشنا بها مر وحلاها
 وقاسينا كثير المعضلاتي
 غزاها فس جيوشه من غزاها
 وفكينا الحرم والمحرماتي
 بنينا السور الأول واحتماها
 عي بهيته وذيك المشرفاتي

(١) هي سيلان حالياً.

وبنينا سورنا الثاني وراها
علي دروازة الرزاق فاتي
وسور ثالث يحمي بناها
من المقصب اليادسمان ياتي
بأمر سالم تحملنا عنها
صيام يابس منا الشفاتي
ولسنا وحدنا فيها نتباها
تكاتفنا قبايل ونزلاتي
رفات أجدادنا تربة ثراها
عليها رحمة ذيك الرفاتي
عسا ربي يجنبها عساها
نوايا أهل النوايا الباطلاتي
أنا مالي ولاء إلا ولاها
أنا أشهد من قرون ماضياتي
يقوله من فدا عمره غلاها
فدا عمره لدار المكرماتي
هي كويت الصباح اللي سخاها
ظفا بعض الديار المعسراتي

حباها الله يوم انه حباها
خزائن أرضها صارت هباتي
صباح الأول أحسن لضعفها
وصباح الأحمد أبو الياتمي
ونواف أبو فيصل في سخاها
تحت جناحة ظلال وارفاتمي
زمان فات عاشوا لفقرها
علي عسر السنين الموسناتي
طرا لي ما طرا لي في هواها
بالادي والمواطن غالياتي
رفعنا راية العز بسماها
بيارقها عليها طارخاتي
رفعنا في عزايمننا لواها
صمدنا والنوايا صادقاتي

٢٠١٠/١م

* * *

الحرار مربوطه واعتلى بالجو بوم

على بحر العرضة

بإدي في ذكر علام دورات الهبوب
والكواكب بأمره تدور بأشراق وغيوب
قال من يادقه الهجس في وقت اللزوم
يكتب ابیات يحاول يجنبها العيوب
يشتغل في صنع الأمثال اله عدة سنين
ويتسلى بالمعاني ولا هوب مغصوب
عشرة آلاف وتسع اميه وخمسين يوم
وسبعة أيام ونصف وهو فكره يجوب
أضرب وأقسم وأجمع عددها يا فهم
هي سنين علمتني عسيرات الدروب
وإن سألني واحد قال باغتك المشيب
والضروس مشعله وأنت حالك في نضوب
قلت راع العله بحاله ابخص من طبيب
ومرهف الإحساس ما ينفعه كثر الحبوب
أنا شيبني زمانى وأنا عمري صغير
وكل ساعة مني جرام بالمقلى يذوب

لجة ضروسي تشادي ضجيج المكرفون
وأسهرتني بالعورات والراس معصوب
حيث أنا غفلت والسوس وصل اليا الجذور
وشالها من جذره يعوض عن كل الطبوب
ما نريد أسنان تركيب عارية تصير
صفها يعجبك لكنها ما تسد نوب
وقتنا ينزل سديدين الاريا بالطمأن
ويرفع الانذال حيث إنها خضر الجيوب
والمناق عايش بيننا ويا الدخيل
واختلط هذا وهذا وصدقنا الكذوب
والحرار مربوطه واعتلى بالجوبوم
وصفقوله يوم غنى على المسرح طروب
وارتخى حبل الرسن يا عضيدي والبطان
وأنفهم حمل الجمل عن سنامه والركوب
وارتوى العطشان بعد الملاح من الغدير
واشربوا ماي الينابيع من غير محسوب
وقرنس المنتوف واستبدنت بعض البطون
والهدوم مفضلات على عرض الجنوب

وارتفاع صوت المناداة في كل الأمور
تدعى الإصلاح والله واعلم بالقلوب
يا صلاح الدين بلغ عمرو وابن الوليد
أمة الإسلام عاثت بها حمر الخطوب

* * *

ابن التميمي رميزان

قال الغريب والمعاني توافدت

بالراس وأغراني سكون الليل

اليادجى الداجي توارد خواطري

بالبحث والتدقيق والتحليل

واليا سألني ناقص العرف قلت له

مانيب نساء لخصف زبيل

أنا إلي غاية وبالشعر مقصدي

أوثق التاريخ يا بهليل

جماعتي قومي وربعي وعزوتي

تاريخهم يوضي كما القنديل

الياخطت القلام بالزور حبرها

عنهم وقفت بهادر المسيل

ناطحت تيار التطامي بذمهم

بالفعل أقدم واضح الدليل

أنا ابن ملهم مع صدير والقصب
وابن التميمي رمزين الأصل
حيث ابن حزمي^(١) مع أرشيدان^(٢) وقتهم
ودهام ابن دواس يا هبيل
وأيضاً حميدان الشويعر وفترته
ظلال عليها كاتب التظليل
وأنا قرئت الأبجدي في رموزها
وعرفت صدق القول والتهويل
وعرفت هذا غير هذا وهالني
تزوير تاريخ مداه طويل
ورجعت للتاريخ أقرأ مراجعه
ما نيب من يطرش بلا صميل
أنا الغريب الياء تلعثم خطيبها
أكتب وأوضح حاصل التحصيل
أشرب قراح نقع منقورة الصفا
ما نيب اشرب ناضح الثميل

(١) هو جبر بن سيار الخالدي.

(٢) هو أرشيدان التميمي، كان لاجئاً في الأحساء عند ابن غرير الخالدي، وأخوه
أرميزان التميمي كان أميراً في سدير.

أخطها شعر على ساطر الورق
وأحس صدري بالهموم ثقیل
یا جاهل تاریخ قومي وعزوتي
أسأل عد أیـم ثاج والبتیل
وأسأل هجر وصدیر وبلاد مالک
ینبیک عنهم واضح التفصیل
وعبد الحمید الی حکم قبل صاحبه
حکمه علینا مثل عام الفیل
أربع قرون ونصف واحنا جهادنا
بالهایف المـصقول یا دعیل
وحکم أتا ترکن بعد موت صاحبه
وأرسل علینا جمعة الثقیل
أهدر دمانا بعد قتلت محمد
محمد أفندی بحفلة لیـل
وأبشرك یا ناقص العرف أننی
أنا وزلیخة مع طروش عقیل

وقصدت وديان الأناضول وجهتي

أنا وأتاتركن بـذاك مقيـل

يا لابتـي يا عزوتي يا جماعتي

عفواً إنكـان الكـلام مليـل

وأزكا سلامي واحترامي لجمعكم

عداد ما ولع سراج فتيل

٢٠١١/٦/٧م

* * *

أفكار عصف عاصوفها

على بحر السامري

قال الغريب بعد ما دب الدجا
وشربت جفون الغافلين رقادهـا
مسكت في يمناي مثنات القلم
وخضبت بيض الطرس في سوادهـا
أفكار في راسي عصف عاصوفها
وتواردت أزواجهـا وأفرادها
مما سمعت وما حصل في ندوة
تناقلوا أخبارها روادهـا
عن فاطر شيبا شديد بأسها
الله يرحم من يقود وقادهـا
في ساعةٍ يبست عن الشف الشراب
والروح بين القابض وجلادهـا
واسلاحهم بين المشوك والفتيل
يقبس من البارود فعل زنادهـا

المخلصين الصاملين الثابتهين
الغارسين بدمهم أوتادها
المنتخبين المستحقين الفاعلين
أفعالههم تناقلته أحفادهها
الله يرحم من حضر بالمعركة
جلاب غالي الروح في مزادها
ذولك ناس سجلوا تاريخهم
صاروا حروف وثقه مدادها
واليوم جيل اليوم ياللي تسمعون
نصيحة مني وذا ميعادها
كفوا عن اللغو الذميم وسامحوا
بعض اللذين يهدوا سوادها
الجاهلين الهاذرين المنتهين
اللي تعثر بالأفزع جوادها
ترى الرجال تقاس في ما قدمت
وتقاس بالأفعال واستعدادها

ما هوب هذر عبر واير ميكرفون
يجهر بها وقت الرخاة أوغادها
حنا بوقتٍ تحكمه عوامله
الدين والقانون فوق أسياها
توقعوا لي وين أنتم فازعين
كل ذلوله يبي يشد شداها
الكل معروفٍ جناه ومنجبه
لا حد يتعزوى عزوة بمهادها
أكلوا من التموين وأنتم آمنين
في ظل حكمٍ شيده روادها
صلاة ربي عد أجرام النجوم
على رسولٍ كل الأمم سادها

٢٥/٤/٢٠١٤م

* * *

ودي أشارك لابتي في موقع

في الشاء على منتدى قبيلة العوازم في شاشات النت

على بحر العرصة

بغيت أشارك لابتي في موقع

أنشاه نخبة من شباب مخلصين

يحفظ طرايف ماضيات أخبارهم

يتناقلوها أجيالنا اللي لاحقين

توثيق فعل بالسنين الماضيات

يرجع له الباحث على مر السنين

الحادثات الماضيات الشامخات

نوصد بها الأبواب قدم الداخلين

تاريخهم أحداثهم أشعارهم

وسام فوق صدور أهلنا الأولين

هم لابتي هم مرجعي هم عزوتي

من نجد للعارض إلى وادي حنين

٢٠٠٨/١/٢٠

ترجميالي

على بحر السامري النجدي

ترجميالي ترجميالي ترجمي

مفردات جنون من راس آدمي

ترجميالي ترجميالي ترجمي

وثقي بالطرس من حبر قلمي

واليا خلص حبر القلم خوذي

مداد من شرايني ومن قاطر دمي

ترجميالي ترجميالي ترجمي

ترجمي قـصايد واطعلمي

اكتبني تاريخ قومي يا هنوف

اكتبني تاريخ دمي ولحمي

اكتبني تاريخ قوم راحلين

بعد ما طمست تحت ردم الطمي

اكتبيالي مفرداتٍ عاصفات

في محيط الفكر ينطقها فمي

اكتبني تاريخ ماضية السنين
أبا أقوله شعر وأنتي ترجمي
وفي رضا ومريخ وأنتي تعرفين
والنقيرة بعدها أنقيرا علمي
والطريفه أذكري أحداثها
لملمي افكار فكري لملمي
هذه أحداث قومي يا هنوف
من خلال قرون مرت واسلمي
وثقوها الكاتبين المخلصين
واكتبوا تاريخها بالأرقمي
اقرئي التاريخ من مصادره
مسهمك عندك وعندي مسهمي
هذا قول ابن الغريب وثقيه
إن جهلتي مقصدي أو تفهمي
يوم بعض الجيل غافل ما درى
ما يشوف الشوف وعيونه عمي

طاير شبحه وقلبه من طمس
نظرتہ شبروری خطوقدمي
وحاضر الي اقلطوا سفر الصحون
ثور هور راتع متنعمي
هذا قول ابن الغريب ردييه
مع مرور الوقت لا بد تعلمي
العوازم أسمننا من عزمنا
ننطح اللقوه اليا هاج الرمي
اليا حصل بالمعركه جدع القروم
فعلننا يفوق فعل العيسمي
والسلام ختام ياللي تسمعون
يا هنوف الغيد بالختم اختمي

٢٠١٠/٩/٣٠م

* * *

دك بي هجسي ودونت الحروف

في نقد بعض الظواهر في المجتمع

على بحر السامري النجدي

دك بي هجسي ودونت الحروف

فوق مصقول المظاريف النظاف

حيث طاف الهجس طوفٍ بعد طوف

باتجاهات بها بعض التفاف

كيف أدون ما أحس وما أشوف

من أمور صاير فيها اختلاف

يا بحور الشعر صفي لي وقوف

ودي انهج سامريات خفاف

الدجا عسعس وأنا جفني طروف

فرشتي تحتي ومن فوق لحاف

شاعر مثلي اليما قال نوف

كل ما خطيت سطر الحبر ضاف

خل نوم العافية لأجل الهنوف

أو لمن هممه مناسيف الخراف

حيسفي يا جيل معدوم الوصوف
لا يعرف ولا لتعريفه عراف
اعذروني يا مصفقت الكفوف
المعارف ما لكم فيها مطاف
للأسف ما عاد بالوقت معروف
وين رواد المراجيل العفاف
الرجال اللي يعيشون الضيوف
في ليال العسر وأيام الكفاف
بالمراجيل والكرم وقت الحفوف
ضيضهم يقلط على حيل الصحاف
يوم نقل الحتف من فوق الكتوف
نزلهم محفوظ ما والله يحاف
صارعوا بالوقت عسرات الظروف
راكبين مرجلين بالخفاف
حاميين أضعانهم عن كل خوف
من تلاجا في حجاهم ما يخاف

بالنمش وأيضاً بشذرات السيوف
والفتيل اللي بها الموت الزعاف
وجيلنا هالحين زانت له صنوف
وقته اللي عايشة والأمن ظاف
لكن أفكاره بدا فيها الكسوف
مثل شمسٍ باديٍ فيها انكساف
عازفٍ عن بحث تاريخه عزوف
ما يكلف خاطره بعض الكلاف
ودي اختتم كلمتي من حرجوف
يا مفضلت الملايس الرهاف

٢٠٠٩/٨/١٥

* * *

محروم الجفون

ويقول الشاعر الغريب هذه القصيدة المشهورة في نقد ما يقال
في الساحة الشعرية وبعد فساد الذوق لدى بعض المستمعين:
على بحر السامري النجدي

قال محروم الجفون من الوسن
يوم يغفوا بالنعاس الغافلين
لجلجن هجوس فكره وعصفن
يختلن به الهواجس بعض حين
يوم تالي نجوم ليلته ادبحن
سال خبره بين قرطاسه وبين
القلم وأصابه به يكتبن
احرف يفهم معانيها الفطين
شاعر سطر حروف يرمزن
بالمعاني للباب الفاهمين
حين يندرجن على الطلحه بسن
اليراع يخط مضمون ثمين

ذول يــــصدرهن وذول يــــوردن
وذول ينتظرن في سد متين
في محيط الفكر ساعة يحضرن
طاوعن شيطان فكر اللاعبين
رادفن واســــتردفن وترادفن
جايلات صايلات في رطين
مثل هيرات البحور اتلاطمــــن
ما علينا عسر فيهن ميسرين
إليا تسرهج فيضهن وسرهجن
بالتدفق مثل نهر الرافدين
سابحات طافحات يغمــــرن
مركب العوام بين الضفتين
إليا انبجد ريحانهن ودرســــعن
والفالك وبروجهن للسامعين
من بنات هجوس فكري جنحن
بالتسامي عانقن الفرقدين
في لغة ضاد العروبة سلحن
مادخل ف نظمهن لفظ هجين

ثاقب الأفكار فيهن ينفتن
تجتليها أفكار ناس باخصين
والبليد ارياح فكره دوقن
ما يحللهم على مر السنين
سامريات على وقع اللحن
شرعن في شطر وضع الجملتين
صايغ فيهن من التفعيل فن
طرق ابن لعبون نهج الأولين
في بحور السامري يتمخضرن
حيث وقتي صار به غث وسمين
اليا سمعت أشعار ناس يرددن
للأسف في عصرنا شيء مشين
لا بحور ولا معاني يفهمون
ولا تران يمنحفظ للدارسين
فالبرامج والصحايف ينشرن
وين عنها أقلامكم يالناقدين
بعضهم والبعض منهاجه حسن
قدوه أقوالهم للعارفين

وأنا ضمن النقد أيضاً يخضعن
مفرداتي لحرف جيم بعد سين
ناقشونا وانقدونا في علن
ليه من قول الصراحة مستحين
دون تجريح وغارات تشن
نقد علمي يستفيد الجاهلين
انقدوها في بحرهما والوزن
وأصلحوا أخطاء خطأ المستشعرين
لا يعلق في أدبنا كل شن
ينقدونا أجيال ناس لاحقين
احفظوا شعر النبط هباً معاً
أوصدوا الأبواب قدم الداخلين
أوقفوا تيار أفكار طرن
حجة لعدار ناس عاجزين
أوقفوا صفقت دفوف طبلن
لأجل كسب المال وهم الخاسرين
في دباليج الصور يصورن
واستغروا قالوا احنا الواصلين

يجمعون المال في أيّا ثمن
يظلموا شعر النبط يا لشاعرين
حيسفي لولّه قوانين تسن
يبعد المخطي ويعلي الصائبين
هَذَا فن الكل وتراث الوطن
والوطن للكل وأنتم عارفين
أصلنا بدو وذا للبدو فن
اتبعوا منهج ناس راحلين
لا تغيروكم تقاليد لفن
عرب بدوان والإسلام دين
قلت ما في خاطري يوم أوجهن
اللاحون اللي لها وقع ورنين
حين هالن وانتشن وامطرن
بعد عون الله رب العالمين

* * *

البدو بهم صدق النوايا

على بحر الصخري

على المصقول مزج الزاج سالي
على ذكرى كريمين السبالي
هم البدوان عذبين السجاي
وذكرهم من عصور خوالي
أهم من شيدوا عصر الحضارة
وهم مضمونها أول وتالي
قبل دعوة رسول الله محمد
وأيضاً قبل أبو زيد الهلالي
بدات عرب سادوا بالجزيرة
بحسن الخلق مع طيب الخصال
أهم من ناصرُوا دعوى الرسالة
فدوها بالمحارم والعيالي
لحيث النور نور في سماهم
وكرمهم بهار رب الجلال

وأنجاهم من عصور الجهالة
وهم وصلوا بها حد الكمالي
وسادوا ثم بادوا ثم سادوا
على ظهور الأصايل والجمالي
بحد السيف والإيمان عاشوا
قرون ينهجون نهج العدالي
طبيعتهم يحبون الطبيعة
يعيشوها بلا قيد وغلالي
فلا يريدون قصر بالمدينة
ولو يفرش لهم فيه الزوالي
بسات يرتعوا في كل وادي
يعيشوا بين حل وارتحالي
بهم عزم وبهم عزة وشيمة
وبهم اقدام في وقت النضالي
بهم باس شديد بالمنازل
ويقدون الشرف في كل غالي
أهم أهل الشهامة والمروة
وأيضاً الضيف له قدر وجلالي

كذلك جـارهم يعطوه قدره
وأيضاً البدو مزبـان لجـالي
بهم صدق النوايا والحميا
وبهم صبر جـالدة واتمـالي
بهم عطف وبهم رحمة وفيهم
يمدون العطايات الجزالي
يعززون الـضعيف ويرفعونـه
عن الضحـاح يشرب من زلالـي
كذا الإسلام علمهم كانوا
يعيشوا في رفيعات المعالي
لهم تاريخ تراث يشرف
تورثـه الأوائـل للتـوالي
وازالوا على ما قلت وأكثر
وابن خلدون شاهد في مقالـي
وصلاة الله على سيد البرايا
عدد ما جـال غـلس اللـيل جـالي

* * *

النبط بعد الفطاحل

على بحر الشيباني

مرحباً ما لاح براق وهل من المزون اخيالي
مرحباً وتحيه
وعد ما غنى الحمام الراعي في غصنه المياحي
صادح بلحونه
يا هجوس تطرق الأفكار مني جيشها يجتالي
ما ترفق فيه
صار قلبي للهواجس ملعب ومسراحي
دايم يا طونه
يا ظروف الوقت شوفي لك مريح وسالي
جالس بالفيه
وأنا خليني كفاني ما بي جاهد وأنا حي
عصوفك المشحونه
شلت لي حمل ثقل الشيل ما أظن ايشالي
ولا بهازريه
وانغلق باب الوفق ضيعت به مفتاحي

ليتهم يلقونهم

دار بالأفكار واستدار بي بالعالي

دورة مثني

لاح ثم شاحبي والتاح بي ميلاحي

في ظلام اركونه

لز واستفز حين اهتز له موالى

ودار وجهه ليه

هل واستهل مي زل يطمس الضحاحي

ليتهم يردونه

لج واستلج حين التج واستجال وجالي

ناوى له نيه

راق كالشبراق واستفاق واستشاق افراحي

وشاقني بظنونه

زاد واستاد كالجراد وصار له ظلالى

يشبه اتهاميه

ثار واستثار مثل اعصار وطار معه اجناحي

ثورة مجنونيه

هف واستهف فيه وشف وارتفع بالعالي

حاجته مقضيه

زان واستبان بالعنوان والأوزان والنواحي

خلهم يقرونه

جيلنا مع جيلهم والجيل الآخر والزمان التالي

يحفظوننه ليه

جاد واستزاد في ابعاد غبة الملاحى

وازرروا يقيسونه

وانهمر مثل المطر سيل تحدر يشبه الشلالى

راوى ظاميينه

يا بروج بالفلك تدير دورات الزمان الماحى

انفوسنا مرهوننه

بأمر رب خالق كل الوجود الواحد المتعالى

رحمته مرجيه

جل شأنه عالم وهو الذى يبقا وغيره ماحى

والمالا يخشونه

ملهم الإنسان عقل وفكر وخافق دلالي

وحسنات وسويه

حين يلهمني واخط بدفتري في حبري السفاحى

والـورق يزـهونـه

درسـعي وابـجد الـريـحـان اقـفايـة واقـبـالي

بـيـن ذـيـك وذـيـه

تاخذ الأفكار فيني شوطها في مسرح ومرواحي

لـيـن أوفـى ديـونـه

ابـجـدي هـوز وحـطي كـلـمـن تـرـديـدهـا يـحـلـالـي

جـمـالـه مـقـريـه

خـش ظـغ ثـج شـفـرة درـسـع المـصـباحـي

كـيـف مـا يـعـرـفـونـه

هـي نـون دال فـي مـ والمعـانـي اطـوالـي

رـمـزة نـسـبـيـه

ذـي طـالـسـم درـسـعي وابـجـدي وريـحـانـها يـا صـاحـي

وكل حـرف ولـونـه

لـه تـفـاسـير ومعـنا فـيـه يـفـهـم والـرمـوز اشـكالـي

كـلـمـه مـعـنـيـه

درـسـعـوها وابـجـدـوها وريـحـونـها جـمـلـة الـايـضـاحـي

بـالـكـم تـنـسـونـه

أصلها من نجد كانت تعرف بالزمان الخالي

وأصبحت منسـيه

وانهبط شعر النبط بعد الفطاحل لبسوه وشاحي

وأصبحت مدفونـه

الضنون اللي بها صدق المعاني والبحور اجزالي

جـوهره مخبيـه

يوم بعض الناس يقول هذي عسرة الافصاحي

خالها مركونـه

قاصر فهمه لأنه ما يفرق في رخيص وغالي

نظرتـه اميـه

والغريب يوم ينهج نهج جيل مع زمانه راحي

عاجبتـه لحنونـه

واعذروني ياخواني حيث شط بي المزار ومالي

هاجس بنحيـه

والصلاة على النبي عداد ما الطائر يرفرف بالجناحي

من بدايـة كونـه

* * *

باب المساجلات الشعرية

الغريب وناجي (١)

عطرها يفوقها

أرسل شاعرنا الغريب هذه القصيدة للشاعر ناجي ضويحي بن
سودان العازمي من أبرز شعراء القصيم: على بحر السامري النجدي

قال الغريب قبل يأتيه القدر

سنت إله الخلق في مخلوقها

فرايدٍ دونتها فوق السطر

وجهتها للي يعرف طروقها

ناجي ضويحي اليا تلعثمت الحلق

ينطق اليا خرس القلم وحلقها

بوسيف رزّزت الهجارس ذيلها

بالكذب ويقود السلف مطفوقها

الداخلين الجاهلين الكاذبين

يا جب تخطيط بالخيوط شدوقها

تنازعوها فوق صفحات الورق

هـذاك يرفعها وذاك يعوقها

ذيك الرحول اللي تشيل الراحلين
هـذا ترحلها وذاك يسوقها
أحمد رحل وأنا وأنت بساقته
ومن بعدنا تبني تبين فتوقها
الباشق وغربانها تناعقت
وندر الحرار مربطة بسبوقها
الله يستر من زمان يبي يجي
بوسيف شوقي أنت وانتة شوقها
وش هقوتك فيما تشوف وما حصل
في دثرة ترمي علينا علوقها
حنا بحال وهم بحال ووقتنا
ما هوب يسمح في مساوم سوقها
يا ناجي ضويحي مضى أحمد فزعتي
يا عزوتي بعده كفيت صفوقها
يا الفارس المقدام يا فرز الوغى
يا اللي عاجاك ما يشق شقوقها
انتة يا بوسيف عوضي بما مضى
بالغاط وأهل الغاط واللي فوقها

نعم بأهل الغاط نسل الأكرمين
قومي وحنّا حافزين حقوقها
عنيت لك يا ناجي ضويحي
لأجل انته تعرف طروقه وعموقها
يا شاعر يرزم بعالية القصيم
يا شمس تشرق قبل وقت شروقها
عنيتك بمثايل مغلوقة
وأرجو عسى تفك بعض غلوقها
بالرمز بالعنوان يا ذرب النبا
ركز وتلقى مدخل لصندوقها
والله أعزك وأعترف بك شاعر
تشفي صدى صادي ظمأي وشوقها
حيث الغريب بحرّه اليا تلاطمت
أمواجه يغرق غريق عموقها
يا ناجي ضويحي سامت من الشقا
وهديتي لك عطرها يفوقها
٢٠١١/٢/١٨ م

* * *

يا ليل سامرني رد الشاعر ناجي ضويحي العازمي

يا ليل سامرني، تراني سامرك
حتى تزيحك شمسنا ببلوقها
ما دام جبت الملزمه هي واللمزم
والدلة الصفرا على شاعوقها
يحرم على ناجي سوى فنجالها
حتى تعود العازبه والحوقها
ثم هات يا ليل المعاني والبديع
وناج النجوم اللي تاللا طوقها
ما هي مناجاة البهيمة للبهيم
والا ضعوف القوم والا زلوقها
وجيب البيان من الغطالس والسحر
حزة قيام العابدين وحوقها
ماني بنايم لين اكرم صاحبي
ما يفهق الكرمه سوى مفوقها

حياك يا سعود الغريب يا الكريم
يا نادر السيرة كفيت اعقوقها
الرمز ما يوجد ولا أظنه يشاف
يا راعي الحكمه فرقت فروقها
حيرتني بالرمز وانت معلمي
لا شك تلميذك مهو شرنوقها
الغاط وابو الغاط في دلو الرشا
مزبورة دلو الرشا بشنوقها
بعد السحاب وديمته ما قلت لي
البحر سارق لؤلؤه مسروقها
واللؤلؤه وسط البحر بس البحر
طمام عاليها على ساحوقها
امحق زمانٍ جنن الناس الثقال
وخلاني انظر تلعتة وعروقها
والغاط يا بو بدر ماكر للحرار
والشجرة اللي طيبها ببسوقها
ونعم العضادين الرجال السابقين
بالبحث واسلوم الرجال وذوقها

الله يرحم صاحبك يا أبو بدر
أحمد نداوين ماهو دالوقها
ما والله أنسى كلمة لي قالها
وأنا صغير وحفتي بفلوقها
وإن طعت شوري منت ميت يا سعود
حتى تعرف الروم من ناعوقها
يا سعود لا تشكي غرابيل الزمان
سو الفهم عثر الرجال وعوقها
لا تحدني واخطب يهودية عرب
وازفها وألمها واروقها
وأجيب لك منها عيالن زاحفين
اجنون وارموق الذياب ارموقها
ما يرحمون العود والطفل الصغير
وأم اليتيم يفتقون ارتوقها
ما يعرفون الخير مثل المسلمين
حتى اليتيمه يشربوا مسلوقها
ما فكروا بالموت والجمع الكبير
يزوعون أم المرق مرقوقها

مريق حتى من الحيا ما يستحون
ما همهم عال العرب وادنوقها
أمر تدلل يا سنيدي يا سعود
أبشر بعزك لا تخاف ارهوقها

* * *

الغريب وناجي (٢)

قال الغريب والزواهر جدرا

موجهة للشاعر الأديب / ناجي ضويحي بن سودان

على بحر السامري النجدي

قال الغريب والزواهر جدرا

بعد العتيم وساهر مثلي سرا

خطيت حرف بين مصقول السطور

حيث القلم من كف يمناي أمطرا

بحروف شعر للقصيم مسافرات

مجنحات ما يدوسن الثرى

طار من الرقة وهن مغربات

في ليلهن من قبل صبحي يسفرا

سریتهن وقت الليالي الباردات

نطحتهن ريح الشمال الزمهررا

آخر شهر كانون الأول ساريات

يسرن في ليل الصقيع المقمررا

ينصن أبو سيفٍ زبون الجاذيات
ناجي ضويحي نعم ذاك المعشرا
ماجن وراجن ثم حطن الرحال
في بيت نسل الغانمين الهزبرا
حيث انحنن يقبلن راس الحشيم
تقدير وإجلال لمحمود القرا
فيهن سلامي واحترم له عدد
وبل من المزن المزبر نثرا
أو عد من داس البسيطة راجل
أو عد ما تحويه تحت المدثرا
مني لبوسيفٍ وبعض من الرجال
حيث إن محمود السجايا يوقرا
الصادقين المخلصين المستحين
اللي سوافهم تزين المحضرا
الراكعين الساجدين الخاشعين
الله يغفر ذنوبهم بالمحشرا

أخير من مجالس بعض الهارجين

اللي لهم وسط المجالس ثرثرا

ثم الصلاة على النبي المصطفى

عداد ما زار الحجيج المجررا

٢٠٠٨/١٢/١٨ م

* * *

در يا خيال الفكر رد الشاعر ناجي على الشاعر الأديب سعود الغريب

در يا خيال الفكر هات السبرا
الموفيات المكرمات العبرا
من الطرايف والمعاني والعلوم
بالقافيات الكايفات الشطرا
جوب الفيافي والملافي والفياض
وغوص المحيطات وتجل السير
واختر من أجمل فيضة زملوقها
ومن ماكر اطوال الجبال الشها
ومن المحيط الدرة المتلائية
ومن النهر قطر السحاب النفرا
واقطف من اسبله النوامي برها
ومن باسقات الفرع مثل السكر
من دلة البغداد خوذ الشاذلي
فنجال كيف الشاذلين مزعفر

والعاليات من المكارم والسلوم
لأبواب بدر نسل الأسود الهصرا
استقبله مع ما ذكرت بريح عود
أزرق تنشى طيبه من المكسرا
يا مرحباً برسالتك يا أبو بدر
وحياك يا بحر يعد ويذكرا
رسالتك من حين سار بها الرسول
من الكويت وخبر اللي خبرا
وأنا أتجراها وأحيي حيها
خص من الرقه وقفت الها برا
من ساحل ازحول الرجال الصاملين
بني عطا مثل الحرار النذرا
فرحت فيها يا لغريب من غلاك
يا لطيب اللي له مقام يشكرا
حذفت بوجار الحطب جذع السمر
وشبيت نار كل حاضيها ذرا
نار الوفا ثم الدفا ثم الشب
ما هي بنار الخافتين أهل الزرا

من شان تدفأ رسالتك وحروفها
من برد لفح المربعان القشعرا
ومن بعد ما وصلت وسرت ناظري
قريتها للغانمين النظرا
أخص فيها اللي تخص من الرجال
هلاوا وقاموا كالجمال الهدرا
وأقبل تحية طالبك يا معلمي
تلميذك اللي عام الأول ما قرا
والمعذره يا أستاذي الشهم الكريم
كاني قصرت أو كان عرفي قصرا

مع تحيات
ناجي بن سودان

* * *

الغريب وناجي (٣)

قال الشاعر سعود الغريب هذه القصيدة الرائعة

على بحر السامري النجدي

قال الغريب بعدما دبّ الدجا

وغلنطس الداجى جفاني مرقدي^(١)

قضيت ليلى بين حبري والورق

أسامر نجوم المجرة والجدى

طافت بي الأفكار آفاق السما

عانقت في فكري نجوم الفرقدي

سهرت بين الحبر وسطور الورق

أتصيد الحون القوافي الشردى

والنوم خليته لثور غافل

دايم على صحن الولايم يوجدى

رعديد بالهيجا شجاع بالرخا

واليا نزرته راعيت البيت يعدى

(١) غلنطس الداجى: أي الظلام الدامس.

ماللي ومال الغافلين بوقتهم
ناس تعایش في ظلام سرمدي
أنا هواي أتابع أخبار السلف
بالبحث والتحليل هذا مقصدي
أبحث عن المكنون من بين السطور
أخبار قوم لها الوقت الردي
تابعتها عشرين عام وخمسه
معهما وأنا أبحث وأتحرى وأنشدي
سهرت أنا وأحمد عليها يا سعود
عقدين نبحث في سطور مجلدي
وثايق مخطوطة مطموسة
من دونها سد منيع موصدي
حيث اتضح تحويرها وتدويرها
من حيث من يقري حوادثها يغدي
حالت بعض الغوزها ورموزها
مكتوبة على حروف الأبجدي

فسرت منها ما خفا وكشفتها
حيث استعنت بطلسمات المنجدي
أخبار قومٍ لفاضوها الكاتبين
أمر من السيد على المتسيدي
سيرة ثلاث قرون أخفي ذكرها
يابن الفهيدى أفتلي يا مسندي
نقلتها للمخلصين من الشباب
الطامحين وكل منهم مجهدي
حتى أشرقت شمس الحقيقة والوضوح
تجالي ضبابٍ بالعقول ملبيدي
وترابطه أحداثها وأزمانها
موثوقةٍ تمشي بخط جرهدي
ساهمت في شعري لأجل قبيلتي
بحروفٍ شعريٍّ للعوارف خلدي
وحت الشباب المخلصين الطامحين
لخبارها مني وذا كل جهدي

يا ابن الرّبيع يا سعاد أخبارهم
موجودّة وآثارهم لي تشهدني
حيث القصب والدرب مع ملهم لها
ذكر وأيضاً ذكر رجم شدي
ما بين قرن الياء وباء أحداثها
منحوتة فوق الصخور وتوجدني
ناس حموها بالرماح وبالنمش
وأيضاً بمصقول السنان مهدي
عهد الحمود ابن الأخضر مع دهم
يا كيف ابن دواس عصره يجدي
وحتى المنيعي والمقامس حرفت
أخبارهم وأسماؤهم تعمدي
وأيضاً أمارات مضت أخبارها
سادت وبادت والزمان يبدي
عصر العيوني وابن جروان انتها
وعصر الغريري والحميد المبدي

وحوطة سدير وما أجرى في روضته
وقصة حميدان الشويعر شهدي
وأيضاً سليمان السديري في حجر
في ذلك الوقت العصب الأنكدي
هذا قليل من كثيرٍ نعرفه
يا سعود لا تبحث ترى حالي مدي
بالشعر والتأريخ لي حـصيلة
جمعتها حتى ملئت المزودي
وأسلم وسلمي علي جماعتك
عساك في مجرى حياتك تسعدي

* * *

يا بن سعد هجت الضمير المهتدي

وقد سمع الشاعر ناجي بن ضويحي القصيدة وأرسل قصيدته تأييد
لشاعرنا الغريب.

يا سعود يا سعود الغريب يا سعود

يا بن سعد هجت الضمير المهتدي

هيجتني بالقاف والبحر الجديد

والمبتدأ والمحتوى والمنتدي

غير الاسم والحرف والفعل القرين

والحال والظرف العنيد الأوحدي

الله يبيحك يا الغريب يا سعود

صحيطني واشعلت خافت موقدي

سريتني من باب يبرين وسريت

بين الكثيب وبين تلن اجردني

حاذف قدم طاوي ندم زاوي همم

منجد ولا اذم الزمان الأنجدي

من لام حيزوم انتضا قبل النضا

بعد الشبيلي والقفل والمعضدي

حتى على التوباد خايل نجعته
يم الغروب وخايل المتلدي
يم سهيل ولد للقطب الشمال
وتباعده، ن الحاجزين السندي
واللي نعس ما يعلم اللي صار له
النوم غلاب العيون السهدي
والحب ذنب ونوب أظنه مغفرة
نوب عذاب ونوب موروث اجودي
ولحب سنة في سلوم العاشقين
والعاشقين الهم مزار وموفدي
أما يطيب الحظ والا ما يطيب
الحب سيل أو ليل والصبح اصلي
واللي عشق له مهرة صفراء رفاع
هو يهتدي يا سعود أو ما يهتدي
جضيت من هاك اللقا مدر الفراق
مدري العناق أو شربة الماء للصدي^(١)

(١) صدي: ناجي ابن سودان.

بس الوكاد اشتقت للصفرا العزوم
خبيها للقفز خلاني ندي
ما غير ارامقها مثل ذاك الحصان
فيه العنان مجودن ومسندي
وتحياتي لك ثم للشاعر سعود
بن ربيع وأنت أثمرتم مقصدي

* * *

الغريب والمحجان (سهرنا نأخذ الجزلات)

الشاعر سعود الغريب كتب هذه القصيدة الجزلة الوافية موجهها للشاعر: سعود سعد المحجان حيث تضمنت رؤيته وشاعريته والموضوع الذي يريد أن يتطرق له بهذه الثقة..

على بحر السامري الساحلي

أنا يا سعود ابن محجان أبرسل لك مراسيلي
عسى اليا وصلتك يا سعود مني تعتني فيها
سريت ابها على سطر الورق حيثه سرى ليلى
أصدرها وأوردها وأنا لي مقصد فيها
أنا والليل ونجوم السما وقت التعاليلى
سهرنا نأخذ الجزلات والهزله نخليها
مدينه يا سعود تفوح ريح العود يزهيلى
وشهر يالسنافي والحديد وعشر قافىها
ونجم بالسما يضوي اليا طفيت قناديلي
على الريحان والأبجد حروف لك مسويها

ورقم الأربعين واميتين رقم تكميلي

وثلاث أميه وثمان وعشرة والنون تاليها

وكاف ودال خاطا في وقاف فيه تحويلي

وعواء مع نعايم بلده ونثره تواليها

وجبهه مع سماك وفصل المعنى تفاصيلي

على الأنواء أبي يا سعود تشرح لي معانيها

تعلمها تراها يالسنافي مثل تمويلي

تعلم للطلاسم بالقصيد انكان تبغيها

تراها إعجاز يالمحجان للجاهل وتظليلي

يضيع بلجة يا سعود ما يقدر يجاريها

* * *

نويت ارحل

ردّ الشاعر المتجدد سعود المحжан بكل شاعرية وحسن استرسال
وتصوير .

هلا يا سعود يا غريب عسى الأيام تصفيلي

هلا باللي ليا منه صقر حرفه يغطيها

سريت ابليل يوم يحاكيني يوميلي

ظربت الكف تلو الكف وصوت الجن يحاكيها

ضربت العبد الإدريسي وأنا عارف مداخلي

أنا راقى على ساقى وبعض الناس اسريها

على عبقر نويت ارحل وريح العود هاويلي

وشهرن قد قضاه الله سفينة نوح من فيها

ترى الياقوت يا غريب صفى ويا مواويلي

تقول النون قول النون أنا وشلون اعديا

أنا ما طيح يا غريب ولو زادت غرابيلي

أنا منهو صقر حرفه وبعض الناس معميها

أنا مثلك ومن مثلك يعرف الراس والذيلي

على الطلسام أصدرها وأوردها وأغنيها

أنا منك ومن يدك خذيت أربع درابيلي

لقيت الناس معميّه تشقيني واشقيها

أنا كفيت لا شطيت وصدر البيت تحليلي

على الريحان أنا سويت ولا ضاعت محاريها

تراها اعجاز أبو عكاز ما يقدر تفاعيلي

تموت الناس تلو الناس وبعض الناس يظليها

* * *

الغريب والهضيبان (١)

الغريب راح وقته وانتهن اعصوره

أرسل الشاعر محمد بن هضيبان العازمي هذه الأبيات يمازح فيها
شاعر ابن غريب.

على بحر السامري الساحلي

الغريب راح وقته وانتهن اعصوره

شاب رمشه وانحنا ظهره على المطويه

ما يقوم إلا على تعنيزت الباكوره

دنقر الهيب ورجع ليامه الفطريه

انتها هـدلان الأول وارحلو جمهوره

ولا بقا من عشرت المذكور غير اشويه

يا سعود المشكله فالديره المعموره

جمعت شعب الكنانه دقت الطبايه

وأنت عينك ما تخايل غير مبسم نوره

مت يا قيس الملوّح في عيون بنيه

لو يجيها الدوقله يرسم عليها صوره

ما تعرف ارسومها وأوصافها الفقريه

الزعل ما يرسم البسمة على المسروره
لو تلحفها غرايب الدجا الغدريه
والغزل كلن على وصفه تهيض شعوره
يرمي الشاعر عليه احروفه الشعريه
مير أنا جنبتها عن عالمن مغروره
ما نبيح أسرارها بالوزن والقافية
في زمانٍ فاتها يا بو بدر مغدوره
كان ما تجهل وصوف الدانه البحريه
محمد بن هضيبان

* * *

البارح جتني براسي دوره

رد ابن غريب على ابن هضيبان

الله أقوي البارحة جتني براسي دوره

واعصفن افكار هجسي وانتشيت شويه

بعد ما كنت أشرح دروسن على الصبوره

طالب بالفصل عندي صار ضدن ليه

جا يعيرني بعصري زاهين بعصوره

ما دارا أني دست قبله فيضه قفريه

لا تكشف يا للأمير مغطيات قدوره

خل ستر السالفه مغمور بالصفريه

لا تذكرني بوقتٍ راح مع مستوره

لا مشت كنها تقلد مشيت القمرية

خدها يشبه شعاع النور بالبلوره

كنه القنديل يوضي عتمت الغدريه

لو يشاهدها المطوع ضاع كل شعوره

اليا رفعت عن خدها في طريقة البوشيه

ول يا بستان يانع ناضيات ثموره

ما قطفت الطلع منه في كفوف يديه

حال من بيني وبين الترف عرف حجوره
من ولد عم قريب وصار عوق ليه
بعد فرقاه ذويت وصار في حروره
في حشاي وطاحت ضروسي شوي شويه
الله يعينك على العكاز والباكوره
تشتريها ما أملك لسعره تجيبه ليه
اسمها ثريه ذراع وهنعت ماثوره
وبعدها الشرطين حل شفرة مقريه
تكفي يا ناجي أفزع لي فرعة مشهوره
الهضيواني غزاني ناوي له نيه

٢٠١١/٨/٦م

* * *

الغريب والهضيبان (٢) سحر المعاني فيه نوع ثاني

أرسل الشاعر محمد بن هضيبان هذه الأبيات وانطلق على نفسه اسم
قطن بن قطن نسبة إلى حاكم عمان.

على بحر السامري الساحلي

سحر المعاني فيه نوع ثاني
للشاعر الموهوب والفناناني
إيا نواله غاية سريره
يطمس طلاسما على الريحاني
وخلا الرعايا تسجع ابها وترعا
تقطف من الجريد والحوذاني
تري الرعايا تطرب إل صاحبها
تضرم إيا سمعت حدا الضرماني
جنه ولا أدري كيف شكل الجنه
يهيب بالدنيا زمنها فاني
الدوم لله ما يدوم ابن آدم
ما دامت الدنيا لبن بدراني

من بعد هذا آخذت لي مبريه
وخذت حرف الجدي وسليمان
وأخذت من ريمان وبره وحده
وإلا الصميل اللي مع البدواني
والعشره اللي للعرب مخفيه
بجذاتها وتربعت للحاني
سويت لي فكره على اسم الشاعر
ويبا يضيع اصخيف الذرعاني
لو درستها الدوله إطالبها
يصير مربوش ويجيه اجناني
والشاعر اللي للمعاني يادرا
يفهم مقاصدها بشكلن ثاني
لو الغريب مات من يفطن له
يلحق مواريثن طوت هدباني
الله وأكبر يا جمال الفكره
بحر السواحل فيه لول وداني
الشاعر قطن

* * *

رد الغريب : تعيش يا من دون المبرية

وقرأ الشاعر ابن غريب قصيدة ابن هضيبان الملقب بقطن ابن قطن
في صفحات المنتدى، وقد أورد فيها بعض الرموز وأعجبه ذلك وقاده
إلى مجاراته، وبعد ما عرف الشخص المقصود بالشفرة الريحانية أرسل
هذه الأبيات الجميلة وأسلوبها بهذه الأبيات المتواضعة:

تعيش يا من دُون المبرية

بالمنتدا قريتها وأغراني

بأسلوبها وارموزها المكتوبه

حيث اتسع لي مسرح الميداني

الكاف والطا درسيّ احروفه

مع أربعين وأربع العنواني

وأربع وعشرين وبعدها ستة

مدينة الخيال فوق احصاني

خذ بالنواء الأنواء واسمع مني

علم الفلك في حسبة الأزمانى

سماك والشرطين قبل اثريّا

والجبهة آخرها على الميزاني

واسلم وقاك الله شر العثره

يا فارس الميدان يا بليهاني

اسم الشاعر: ١ + ٢٣ + ١٩ + ١٠ + ٢٨ + ٢ وهذه الأرقام هي رموز الأبجدي والأنواء تتكون من اسم محمد بن هضيبان.

سعود الغريب

* * *

الغريب والهضييان (٣) دار الفلك وأيامه الدواره

أرسل الشاعر محمد بن هضييان هذه القصيدة:

على بحر السامري الساحلي

دار الفلك وأيامه الدواره
وغنت على غصن الشجر قمريه
هذا زمان أم الهدب والطاره
اللي يقولون العرب ريميه
والعاقل المحتار فك ازراه
وأهل البلد والأزمه الماليه
يا سعود طارت فوقك الطياره
يمكن تشن الغاره الحربيه
وأنته ليا هالحين يا أخو ساره
ما فيك لا رحمه ولا ماويه
أنشدك عن بيت طوال اسواره
ظاهر علومه والخفا سريه

ما فيه لا دفتر ولا نظاره
راعيه قبل يجيه .. حسب النيه
محد يعرف من العرب زواره
ولا حد يعرف دروبه المخفيه
الله يعلم في خفايا اسراره
يا سعود وعلومه ما هي عاديه
راعيه تبقا ذكريات أخباره
يهاب منه الإنس والجنيه
يا عمنا لو كنت شيخ الحاره
وحراسك الرشاش والدوريه
وش عاد يا أهل المال والحماره
أرزاقكم بالكوره الأرضيه

محمد بن هضيبان

* * *

قال الغريب يوم زاره جاره رد شاعرنا ابن غريب على ابن هضيبان

قال الغريب يوم زاره جاره
متعني من داره الغريه
يشيل في يمناه بعض أوزاره
مكتوبة في داخل الطليه
هات القلم والطرس والمحبار
واكتب على صحيفة حوليه
رد على عنوتك يا أبو ساره
أنته عزيز وحاجتك مقضيه
تري الغريب راصد مسبار
نيزك اجرام الفضا العلويه
أشوفها تجول وسط الطاره
الطاره المافوفه المحنيه
تبي تعبر ولا لقت معبار
قصده تغزي الظفة الشرقيه

اغواهم اللي ينفخ المزمارة
يوم أفلسوا من غزوة الغربيه
يا وي سوق خاسر تجاره
ما فكروا بالأزمه السوريه
اللي يرضع بالمراح جفاره
يحلم بحكم الدوله العبريه
ودعيج يوم انه يصرا صراره
عطاه راعي الديره الفوقيه
يوم الزمان اللي مضى وأخباره
هذيك يا هضيبان تشبه ذيه

٢٠١٣/٩/٨

* * *

الغريب والعتيبي

(الشوشره)

كتب الشاعر ابن غريب هذه القصيدة:

على بحر السامري النجدي

الغريب ساهر في جنح ليل
يعزف ألحانه على موالها
داهمنه من بعد فرض العصور
ومن بعد فرض العتيم أو مالها
قالن أكتبنا على البحر الطويل
قلت بحر السامري أحلالها
طرق ابن لعبون والنهج المثير
مفرداتٍ فنها يزها لها
قالن أرسلنا لمن باعه طويل
في فنون الشعر يا حلالها
قلت لحسين العتيبي الخبير
كل لقوه بالشعر يشتالها

بـويزيد بن المقاطي الأصل
الشهادة في فنونه نالها
شاعر يلعب على الوتر القصير
ويعزف الألحان في أطوالها
يا حسين ابن علي ويش الذبيل
فتنتن ثارت كفيت أهوالها
قصدها تشمت قصير مع قصير
دائرة بـدولابها محالها
أشهد أنه ما ومرفيا أصل
من كبار القوم أو عقالها
ما حضر وقتٍ يصغر به صغير
وتكرم الأبطال في أفعالها
ما درى أنه لا وزير ولا وكيل
جابتـه أصوات من جهالها
أربع أعوام ويجياله وضع غير
يرجع لماضي مقرر زلالها
الهبيل ابن الهبيل ابن الهبيل
ما درى أن أصواتنا يعنالهـا

والله أن ننزل به بتحديد بير

ويتمنا عروة ما نالها

بو علي يا حسين يا نعم الزميل

يا نديم اقضايها وقبالها

٢٠١١/٥/١١ م

* * *

خيّلت والفكر له مدّه محيل

أرسل المهندس الشاعر حسين العتيبي هذه القصيدة كرد على
قصيدة الشوشره .

خيّلت والفكر له مدّه محيل
وانهمر في خاطري همالها
وأنبئت فوق الورق قطف الضمير
والمشاعر ما وقف شلالها
استهلّت واستمالت بالجزيل
واستمرت بالبيوت ارسالها
وأسهرني بينهن كني أسير
لين شمس الصبح شالت شالها
شعشت والليل بالإشراق شيل
وميّلت يوم الغروب إظلالها
وانبني المردود بالبني العسير
كل كلمه كامل مكيالها

رد قافٍ شيد بالشد الجليل
شاعره عوب المعاني قالها
الغريب واسمه السامي شهير
بالتراث وكل طول له طالها
ماهر في غوصة بحور الخليل
غاصها من جالها لا جالها
يا الغريب والليالي تستدير
واختلف ميزانها وأحوالها
قرّبت راس الزناد من الفتيل
فتنةٍ فال الله ولا فالها
ما يصير ولا توقّعه يصير
ما حصل بأيامها واليالها
والحقوق إلها حاوق بكل جيل
وأنت تدري والباد برجالها
التمادي بالخطأ أمرٍ خطير
كل نفس طامحه يغتالها

والشباب اليوم سؤا المستحيل

واحتملت تفكيرها وآمالها

والأسامي لا هَوَتْ لا تستشير

السنع يا سعود باستبدالها

وجعل نفسٍ عن معزتها تميل

تستريح من الحياة أشوالها

حسين العتيبي

٢٠١١/١٢/١١ م

* * *

الغريب والبحيري أنا يا غريب ما جحدتك

أرسل الشاعر محمد البحيري العازمي هذه القصيدة إلى شاعرنا ابن
غريب.

على بحر الهجيني

أنا يا غريب ما جحدتك ولا ناسيك
ذكرتك بذكر الخير بالماقف السامي
أنا أيا ذكرتك ما تضايقت من طاريك
لعلك تدوم وحضرة النذل ما دامي
لعل الليالي ما تضدك ولا تنحيك
يا بو مجلسٍ مفتوح مع طول الأيامي
أيا ضاقت الحيله على ناسي التبريك
قبل ما يبارك ينظر المنسف الحامي
ولا أعم في ما قلت والناس ما تخفيك
وعرف الرجال أفعال وزوال وأسامي

٢٠١٥/١٢/١١م

هلا يا مرزوق البحيري

ردّ الشاعر سعود الغريب على الشاعر محمد البحيري بهذه القصيدة:

هلا يا بو مرزوق البحيري نرحب فيك
هلا عد ما لبس البشر كسوة الخامي
هلا يا محمد كل ما حل لي طاريك
وعدد من ركع لله مسلم ومن صامي
أنا مجلسي ما هوب للهذر والتشكيك
تزوره رجا جيل لها قدر وحشامي
به الشعر والتاريخ وعلومهم تنبيك
عن السلا فنا وأفعالهم ماضي الأيامي
ما هو هذر لعب الجنجفه وأنت فيك وفيك
ولا هي انتخابات تروج للإفزامي
ولا فيه دلالٍ على ساعته يوذيك
يبيعك حلوف الكذب وحلوف الأوهامي
وتقبل سلامي يا البحيري ومن يعنيك
جماعتك وأخوانك ومن دان الإسلام

٢٠١٦/١/٢٠م

الغريب وأبو علامه ألا يا هاجسي سوق التحيه

أرسل الشاعر الإرتيري هادي جمال أبو علامه إلى الأديب الشاعر:
سعود الغريب هذه القصيدة:

على بحر السامري الساحلي

ألا يا هاجسي سوق التحيه
وزودها معانيك العذيه
عدد ما دارت الأفلاك عالي
عدد من زار بيت الله بنيه
سلام الله على شاعر ذهني
يصوغ البيت بفكار ورويه
سما قافه من الأشعار عالي
أديب وفاهمن كل القضييه
ألا يا سعود بن سعد الغريب
قصدت مسالك والنار حيه
نشدتك عن ثلاثه جوف واحد
كرم من خالق النفس التقيه

وتتلاهم ثلاثه بالمصايب
يهونها ذكـر رب البريه
نشدتك ن عسل مغشوش فاسد
ما جايا كود من أهل الخليه
تشوف النحل من شتى المناحل
تجوب الدار وتعل الرعيه
نشدتك عن أسامي مع عددها
تمسك في تفاصيل القضيـه
تدور الدايره وهم خلفاها
عدها بطين والجبهه ماريه
ختام اللي بديت الزوم أصلي
على محمد رسول الله نبيه

٢٠١٥/٣/٣م

* * *

إلى هادي علامه له سلامي

رد سعود الغريب على هادي جمال بو علامه من إريتريا:

بديت بذكر خلاق البرايا

تحية مع تحية مع تحية

إلى هادي علامه له سلامي

نرد الك المثل بكر وثنيه

عدد ما غابت الشمس وقمرها

وعدد نفس خلقها الله حيه

وثلاثه مع ثلاثه هي وهايب

وهبها الله لعباده عطيه

وعسلكم صار مثله في زمان

تصول بها العرب بالجاهليه

دمر بغداد في وقت جرابه

وابن وقاص له حكمه قويه

وأساميكم عددها عارفينه

بحرف «الحاء» وكاف أبجديه

وعبد الله ذكرها في كتابه

وصالح والخالوي بالمعیه

أبي تحليل صخشرومعناها

رموز تحلهاففي أريحیه

وابنشد عن عجزوز دوم حامل

بأربعة توامابالـسويه

ولا زوج خذاها ولا تموت

على طول السنين السرمدیه

وصلاة الله على الهادي محمد

ولك مني تحیه مع تحیه

م ٢٠١٥/٣/٣

* * *

ديوان الشاعر الأديب
سُعود بن سَعْد الغُرَيْب



الطبعة الأولى
2008م - 1429هـ

ديوان
الشاعر

سعود سعد الفريدي

الطبعة الأولى

٢٠٠١

الفهرس

الصفحة

الموضوع

٧	تقديم أ. طلال سعد الرميضي
٩	مقدمة الشاعر سعود بن سعد الغريب
١٣	وصية
١٨	يا صباح الخير
٢٠	أسرة الصباح
٢٧	جذك نغيمش
٢٩	خالد نقا
٣١	يا أحمد عضيدان عل الرحمة
٣٣	ابن الرميضي جاهد مستبلي
٣٦	عابر سبيل وانت ما تعرفيني
٣٨	لأجل دار تملكني غلاها
٤٢	الحرار مربطه واعتلى بالجو بوم
٤٥	ابن التميمي رميزان
٤٩	أفكار عصف عاصوفها
٥٢	ودي أشارك لابتي في موقع
٥٣	ترجميلي
٥٦	دك بي هجسي ودونت الحروف
٥٩	محروم الجفون
٦٤	البدو بهم صدق النوايا
٦٧	النبط بعد الفطاحل

باب المساجلات الشعرية	٧٣
الغريب وناجي (١) عطرها يفوقها	٧٥
رد الشاعر ناجي ضويحي العازمي : يا ليل سامرني	٧٨
الغريب وناجي (٢) فال الغريب والزواهر جدرا	٨٢
رد الشاعر ناجي : دريا خيال الفكر	٨٥
الغريب وناجي (٣) بعد ما دب الدجا	٨٨
رد الشاعر ناجي : يا بن سعد هجت الضمير المهتدي	٨٥
الغريب والمحجان : سهرنا نأخذ الجزلات	٩٣
رد المحجان : نويت ارحل	٩٨
الغريب والهضيبيان (١) الغريب راح وقته وانتهن اعصوره	١٠٠
رد الغريب : البارح جتني براسي دوره	١٠٢
الغريب والهضيبيان (٢) سحر المعاني فيه نوع ثاني	١٠٤
رد الغريب : تعيش يامن دون المبرية	١٠٦
الغريب والهضيبيان (٣) دار الفلك وأيامه الدواره	١٠٨
رد الغريب : قال الغريب يوم زاره جاره	١١٠
الغريب والعتيبي : الشوشرة	١١٢
رد العتيبي : خيلت والفكر له مده محيل	١١٥
الغريب والبحيري : أنا يا الغريب ما جحدتك	١١٨
رد الغريب : هلا يا مرزوق البحيري	١١٩
الغريب وأبو علامه : ألا يا هاجسي سوق التحيه	١٢٠
رد الغريب : إلى هادي علامه له سلامي	١٢٢



الشاعر الأديب سعود بن سعد الغريب

- مواليد عام 1945م بدولة الكويت

- شاعر نبطي اكتسبت قصائده الشعرية الشهرة الواسعة خلال الخمسين سنة الماضية ليحتل مكانه كبيرة بين الأوساط الشعرية في دول مجلس التعاون الخليجي .

- عضو ديوانية شعراء النبط بدولة الكويت ورئيس لجنة النصوص سابقاً .

كان معداً ومقدماتاً لبرنامج (من آداب البادية) وبرنامج (فنون وأشعار) بالإذاعة الكويتية سنوات طويلة .

استحدث رموز جديدة في القصائد الشعبية كالأبجدي والريحاني والدرسي حيث استطاع بفطنته أن يركب منازل القمر على حروف الأبجدية لاستخدامها في نظم القصائد النبطية .

- نشر قصائده الشعرية في الكثير من المجلات والصحف المحلية والخليجية .

- صدر له أكثر من ديوان شعري : الديوان الأول عام 2001م والديوان الثاني عام 2008م والديوان الثالث عام 2022م .